

privredni razvoj, sport i kulturu Vlade Brčko distrikta BiH – III. dio.

Član 3.

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj predmeta: 05-000602/16

Broj akta:01.11-0566LO-022/16

Datum, 03.08.2016. godine

Mjesto, Brčko

GRADONAČELNIK
dr. Anto Domić, s. r.

IZMJENA PROGRAMA

UTROŠKA SREDSTAVA TEKUĆIH GRANTOVA U 2016. GODINI U ODJELJENJU ZA PRIVREDNI RAZVOJ, SPORT I KULTURU – III. DIO

broj: 05-000602/16 od 20. 6. 2016. godine

Član 1.

U Programu utroška sredstava tekućih grantova u 2016. godini u Odjeljenju za privredni razvoj, sport i kulturu – III. dio, broj: 05-000602/16 od 20. 6. 2016. godine, u članu 7. stavu (6) riječi: „iz stava (1)“ zamjenjuju se riječima: „iz stava (2)“.

Član 2.

U svemu ostalom Program utroška sredstava tekućih grantova u 2016. godini u Odjeljenju za privredni razvoj, sport i kulturu – III. dio, broj: 05-000602/16 od 20. 6. 2016. godine, ostaje nepromijenjen.

Broj: 05-000602/16
Brčko, 3. 8. 2016. godine

GRADONAČELNIK
dr. Anto Domić, s. r.

495

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 2/10), člana 10. i člana 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 19/07, 36/07, 38/07, 2/08, 17/08, 23/08, 14/10 i 28/12), a na Prijedlog Odjeljenja za stručne i administrativne poslove, broj: 02-000013/14 od 19. 9. 2016. godine, Vlada Brčko distrikta BiH na 142. vanrednoj sjednici održanoj 21. septembra 2016. godine d o n o s i

ODLUKU

O IZMJENAMA ODLUKE O UTVRĐIVANJU KRITERIJA ZA FINANSIRANJE PLANOVA I PROGRAMA RADA I ZAHTEJEVA MJESNIH ZAJEDNICA, UDRUŽENJA GRAĐANA I FONDACIJA BRČKO DISTRIKTA BiH

Član 1.

Član 4. stav (2) Odluke o utvrđivanju kriterija za finansiranje planova i programa rada i zahtjeva mjesnih zajednica, udruženja građana i fondacija Brčko distrikta BiH, brojevi: 02-000013/14 od 3. 2. 2014. godine i 02-000013/14 od 9. 5. 2016. godine, mijenja se i glasi:

(2) „Odjeljenje za stručne i administrativne poslove pismenim će putem ili putem internetske stranice Vlade tražiti od mjesnih zajednica, udruženja i fondacija da uz zahtjev dostave potrebnu dokumentaciju za realizaciju granta ovisno o namjeni istog“.

Član 2.

Član 8. stav (2) Odluke mijenja se i glasi:

(2) „Rok do kojeg korisnici granta moraju opravdati sredstva je 30 dana od okončanja projekta utroška sredstava, a izvještaj o utrošku sredstava dostavlja se najkasnije do 30. juna naredne godine“.

Član 3.

Ova odluka stupa na snagu danom donošenja i objavit će se u „Službenom glasniku Brčko distrikta BiH“.

Broj predmeta: 02-000013/14

Broj akta:01.11-1031DS-36/16

Datum, 21. 9. 2016. godine

Mjesto, Brčko

GRADONAČELNIK
dr. Anto Domić, s. r.

496

Na osnovu člana 52. Statuta Brčko distrikta BiH – prečišćeni tekst („Službeni glasnik Brčko distrikta BiH“, broj 2/10), člana 10. i člana 11. stav (4) Zakona o Vladi Brčko distrikta BiH („Službeni glasnik Brčko distrikta BiH“, broj: 19/07, 36/07, 38/07, 2/08, 17/08, 23/08, 14/10 i 28/12), a nakon razmatranja Informacije u vezi s tehničkim pregledima vozila u Bosni i Hercegovini, na Prijedlog Odjeljenja za javne poslove, broj: 26-000438/16 od 2. 11. 2016. godine, Vlada Brčko distrikta BiH, na 150. vanrednoj sjednici održanoj 23. novembra 2016. godine, d o n o s i

ZAKLJUČAK

Član 1.

Registracija vozila u Brčko distriktu BiH vrši se na osnovu zapisnika o tehničkoj ispravnosti vozila koji je izdala stanica za tehnički pregled vozila u Brčko distriktu BiH, a do izjednačavanja kriterija za obavljanje tehničkih pregleda na području cijele Bosne i Hercegovine.

Član 2.

Ovaj zaključak stupa na snagu prvog narednog dana od dana objavljivanja u „Službenom glasniku Brčko distrikta BiH“.

Broj predmeta: 26-000438/16

Broj akta:01.1-1141SM-002/16

Datum, 24.11.2016. godine

Mjesto, Brčko

GRADONAČELNIK
Mr. sc. Siniša Milić, s. r.

497

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15 i 41/16), Prijedloga za uvođenje imunomodulatorne terapije Interferonom Beta-1b za liječenje oboljelih od multiple skleroze, broj: 173/16 od 29. 03. 2016. godine, u skladu s Finansijskim planom Fonda zdravstvenog osiguranja Brčko distrikta BiH, na 3. redovnoj sjednici, održanoj dana 23. 11. 2016. godine, donosi

ODLUKU

O UTVRĐIVANJU KRITERIJA I OBIMU FINANSIRANJA TROŠKOVA TERAPIJE LIJEKOM INTERFERON BETA-1B ZA OBOLJELE OD MULTIPLE SKLEROZE

Član 1

Ovom odlukom utvrđuju se kriteriji za upućivanje na liječenje osiguranih lica Fonda zdravstvenog osiguranja Brčko distrikta BiH (u daljnjem tekstu: Fond), oboljelih od multiple skleroze, primjenom terapije lijekom Interferon Beta-1b, ATC klasifikacija L03AB08, jačina lijeka 0,25 mg/1 ml, oblik lijeka bočica (u daljnjem tekstu: Interferon Beta-1b) i obim finansiranja troškova terapije lijekom Interferon Beta-1b.

Član 2

Fond finansira troškove liječenja osiguranih lica Fonda oboljelih od multiple skleroze (dokazane McDonaldovim kriterijima), primjenom terapije lijekom Interferon Beta-1b, a na preporuku ljekarskog konzilija neurologa referentnih kliničkih centara u obimu do tri osigurana lica Fonda.

Član 3

Liječenje osiguranih lica Fonda oboljelih od multiple skleroze, primjenom terapije lijekom Interferon Beta-1b,

odobrava se osiguranim licima Fonda koja ispune sljedeće kriterije:

- da je dijagnoza multiple skleroze postavljena prema McDonaldovim kriterijima;
- da maksimalan stepen fizičke onesposobljenosti, procijenjen Proširenom skalom fizičke onesposobljenosti (EDSS), ne prelazi 3,5;
- da je aktivan tok relapsno-remitentne (RR) forme bolesti, što podrazumijeva najmanje dva funkcionalno značajna relapsa unutar posljednje dvije godine trajanja bolesti;
- da se radi o osobama starijim od 16 godina.

Član 4

Primjena terapije lijekom Interferon Beta-1b prekida se u sljedećim slučajevima:

- razvoj najmanje dva agresivna klinička relapsa u jednoj godini;
- razvoj konstantne EDSS progresije za više od jednog poena tokom 12 mjeseci trajanja liječenja IFN beta;
- planiranje trudnoće;
- nepodnošljivost lijeka.

Član 5

Osiguranim licima iz člana 1 ove odluke Fond odobrava liječenje u dozi i vremenu propisanom u važećem rezimeu karakteristika lijeka odobrenom od Agencije za lijekove BiH i po preporuci neurološkog konzilija (lijek Interferon Beta-1b, 0,25 mg/1 ml, 15 bočica mjesečno), vodeći računa o kriterijima iz člana 3 ove odluke i slučajevima prekida primjene terapije navedenim u članu 4 ove odluke.

Član 6

Ova odluka stupa na snagu osmog dana od dana objave u Službenom glasniku Brčko distrikta BiH.

Broj: 015-180/7-UO-67/16
Brčko, 23.11. 2016. godine

**PREDSJEDNIK
UPRAVNOG ODBORA**
dr. sci. Zoran Tošić, s. r.

498

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1, tačke f) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15 i 7/15) i člana 37 stava 3 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi: 1/02, 7/02, 19/07, 2/08 i 34/08), na 3. redovnoj sjednici, održanoj 23. 11. 2016. godine, donosi

ODLUKU

O NAJVIŠEM I NAJNIŽEM IZNOSU NAKNADE PATE

Član 1

Ovom odlukom utvrđuje se najviši i najniži iznos naknade plate zbog privremene spriječenosti za rad osiguranika Fonda zdravstvenog osiguranja Brčko distrikta BiH, za 2017. godinu.

Član 2

Najviši iznos naknade plate koju Fond zdravstvenog osiguranja Brčko distrikta BiH refundira poslodavcu za svakog zaposlenika, za vrijeme privremene spriječenosti za rad, preko 42 dana, utvrđuje se u iznosu od 1.000,00 KM.

Član 3

Najniži iznos naknade plate utvrđuje se u visini minimalne plate za mjesec za koji se naknada obračunava prema propisima entiteta koji se primjenjuju u 2017. godini.

Član 4

Iznosi utvrđeni ovom odlukom su parametri za obračunavanje novčanih naknada u skladu s poglavljem b) Novčane naknade (članovi od 32 do 39) Zakona o zdravstvenom osiguranju Brčko distrikta BiH.

Član 5

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-UO-58/16
Brčko, 23.11. 2016. godine

**PREDSJEDNIK
UPRAVNOG ODBORA**
dr. sci. Zoran Tošić, s. r.

499

Ustavni sud Bosne i Hercegovine u Vijeću od pet sudija, u predmetu broj **AP 541/12**, rješavajući apelaciju **Besima Muderizovića**, na osnovu člana VI/3.b) Ustava Bosne i Hercegovine, člana 59. stav 2. alineja 2. i člana 61. st. 1. i 3. Pravila Ustavnog suda Bosne i Hercegovine („Službeni glasnik Bosne i Hercegovine“ br. 60/05, 64/08 i 51/09), u sastavu:

Miodrag Simović, predsjednik
Valerija Galić, potpredsjednica
Seada Palavrić, potpredsjednica
Mato Tadić, sudija
Zlatko M. Knežević, sudija

na sjednici održanoj 18. aprila 2012. godine donio je

ODLUKU O DOPUSTIVOSTI I MERITUMU

Odbija se kao neosnovana apelacija **Besima Muderizovića**, podnesena protiv rješenja Suda Bosne i Hercegovine br. S1 1 K 008241 11 KV3 od 25. januara 2012. godine, S1 1 K 008241 11 Kro od 16. januara 2012. godine, S1 1 K 008241 11 Kv od 23. decembra 2011. godine i S1 1 K 008241 Kro od 15. decembra 2011. godine.

Odluku objaviti u „Službenom glasniku Bosne i Hercegovine“, „Službenim novinama Federacije Bosne i Hercegovine“, „Službenom glasniku Republike Srpske“ i „Službenom glasniku Distrikta Brčko Bosne i Hercegovine“.

OBRAZLOŽENJE

I. Uvod

1. Besim Muderizović (u daljnjem tekstu: apelant), kojeg zastupa advokat Emir Kapidžić iz Sarajeva, podnio je 8. februara 2012. godine apelaciju Ustavnom sudu Bosne i Hercegovine (u daljnjem tekstu: Ustavni sud) protiv rješenja Suda Bosne i Hercegovine (u daljnjem tekstu: Sud BiH) br. S1 1 K 008241 11 KV3 od 25. januara 2012. godine, S1 1 K 008241 11 Kro od 16. januara 2012. godine, S1 1 K 008241 11 Kv od 23. decembra 2011. godine i S1 1 K 008241 Kro od 15. decembra 2011. godine. Apelant je, također, podnio zahtjev za donošenje privremene mjere kojom bi Ustavni sud obustavio izvršenje apelacijom osporenih rješenja i naložio puštanje apelanta na slobodu do odluke o apelaciji.

II. Postupak pred Ustavnim sudom

2. Na osnovu člana 22. stav 1. Pravila Ustavnog suda, od Tužilaštva Bosne i Hercegovine (u daljnjem tekstu: Tužilaštvo BiH) i Suda Bosne i Hercegovine (u daljnjem tekstu: Sud BiH) zatraženo je 17. februara 2012. godine da dostavi odgovor na apelaciju.

3. Tužilaštvo BiH je dostavilo odgovor na apelaciju 23. februara 2012. godine, a Sud BiH 2. marta 2012. godine.

4. Na osnovu člana 26. stav 2. Pravila Ustavnog suda, odgovor na apelaciju dostavljen je apelantu 2. aprila 2012. godine.

III. Činjenično stanje

5. Činjenice predmeta koje proizlaze iz apelantovih navoda i dokumenata predloženih Ustavnom sudu mogu se sumirati na sljedeći način.

6. Sud BiH je, postupajući u krivičnom predmetu protiv apelanta i još dvojice optuženih zbog postojanja osnovane sumnje da su učinili krivično djelo - ratni zločin protiv civilnog